


溫州經籍志



續修四庫全書



溫州經籍志卷二十四

瑞安 孫詒讓 編

集部

別集類五

元

曹氏

稹孫

合齋文集

萬厓溫州府志十七○嘉慶瑞安縣志九作合谿文集

佚

萬姓統譜二十二曹稹孫自少工舉子業下筆閱肆諸老成咸器之母  
舅兩科林雍誨以文法宜多采左氏及戰國語嘗自謂曰作文譬如立  
萬人場中非訓然大囂而鳴人肯聽我乎宋亡室廬燬于兵遂寓平陽  
梅溪以古文及詩自娛凡一篇出人輒傳誦

案合齋曹鄉貢稹孫萬厓溫州府志文學傳雍正浙江通志嘉

慶瑞安縣志文苑傳並有傳

宋氏眉年

存稿萬厯溫州府志十七

佚

案蜀翁宋縣簿眉年永嘉人萬厯溫州府志文學傳有傳

葉氏

貫道

甕天集

萬厯溫州府志十七

佚

案茂林葉處士貫道萬厯溫州府志義行傳雍正浙江通志義

行傳嘉慶瑞安縣志孝友傳並有傳

湯氏

元善

草堂詩集

乾隆溫州府志二十七○乾隆平陽縣志十九集作稿

佚

案湯元善雍正浙江通志萬厯溫州府志乾隆平陽縣志義行傳並有傳而均作宋人惟顧嗣立元詩選癸集戊以爲元人攷

雍正通志乾隆府志及平陽縣志義行傳別有元湯中山居白沙而縣志人物補 又有元湯元善字長卿亦居白沙與宋楊元善名同字異參合攷之湯元善當卽湯中山亦卽楊長卿縣志所據書稱述偶異遂分爲數人耳今依顧選定爲元人而附訂其異同於此

章氏

嘉

春谷集

萬麻溫州府志十八

佚

薛氏

漢

薛象峰詩集

元史藝文志四作薛漢詩集元詩選二集已作宗海集今從潘是仁宋元名家詩集

二卷

元史藝文志四無卷數今從宋元名家詩集

存

宋元名家詩集本

元詩選二集已薛助教漢字宗海於古今制度名物創作變易年攷月

究無或有爽趙文敏公號爲鴻識得古遺器書畫必宗海辨之乃定魯



子翬誌其墓稱其詩律書楷嚴縝有法而愼慙不矜非雅交莫克知也  
案薛助教漢雍正浙江通志乾隆溫州府志乾隆永嘉縣志文  
苑傳並有傳象峰詩集明潘訥叔宋元詩集所刻雖分二卷實  
止寥寥五集存詩僅十六篇以顧氏元詩選校之惟上卷擬古  
二篇爲顧本所無餘詩均已入選而顧本所有吳本不載者乃  
多至三十二篇孫存吾皇元風雅二載宗海詩十五篇吳本亦  
止錄閑閑真人吳本作宗師顧同生湖鹽車圖吳本作雪山盤車圖顧同夜歸三篇  
餘均不載蓋吳氏偶據殘本錄入非其完帙也惟象峰詩集之  
名爲他書所未見則賴吳刻以傳耳

章氏

祖程

白石樵唱註

六卷

自敘○呂洪編霽山集并爲三卷

存

霽山集本

先生諱景熙字德暘姓林氏溫之平陽人也宋咸淳辛未太學釋褐授泉州教官麻禮部架閣轉從政郎時異事殊遂不復仕乃棲隱故山以詩書自娛旣而會稽王監簿移書屈致與尋歲晏之盟於是先生往來吳越間殆二十餘年戊申歲歸自武林感疾迨庚戌冬終於家時年六十有九先生少工舉業有場屋聲時文旣廢倡爲古文發爲騷章往往尤臻其奧晚年所著雜文十卷外有詩六卷題曰白石樵唱行於世愚嘗熟玩其詩大抵皆託物比興而所以明出處繫人倫感世變而懷舊俗者至矣卷首數篇尤爲親切其他題咏酬唱雖有不同然而意亦未嘗不行乎其間讀者倘以是求之則庶乎不失其本領而有以知其詩不苟作也至於造語之妙用字之精法度之整而嚴格力之清而健又未易以名言今輒爲之註釋云崑陽後學章祖程和父題

詩自三百篇楚辭以降作者不知幾人求其關國家之盛衰係風教之

得失而有合乎六義之旨者殆寥乎其鮮聞也惟陶淵明以義熙爲心杜子美以天寶興感爲得詩人忠愛遺意霽山先生之詩蓋祖陶而宗杜者也熟味之可見矣抑嘗思之詩固出於人之性情然非發之以句法之清英諧之以音節之和暢融之以氣味之悠遠則以枯淡淺促而不能以入妙寧保其不使人玩之易厭索之而易竭也哉善乎先生之爲詩也本義理以爲元氣假景物以爲形質濯冰雪以爲精神翦雲煙以爲態度朱絃疎越而有遺音太羹玄酒而有遺味其真詩家之雄傑歟予嘗伏讀而竊愛之沈潛反復蓋亦有年於童課之暇不睽僭踰爰輯舊聞爲下註脚間有見其意之所指義之所在亦輒爲之發揮而不敢隱焉第胸無積學家無儲書其間援据尙有未盡明者姑冀講問以備其全一日子安義中二友生請曰夫註草堂詩者數百家註雪堂詩者亦不下百餘家迄今猶不能無遺憾而況以一人之見乎盍缺之以



侯後賢予嘉其言因出此稿俾錄以示初學固未敢傳諸作者惟侯博雅君子訂其舛訛補其疏畧使霽翁之詩久而不墜則於風雅亦未必無少助云元統甲戌暢月後學章祖程謹書

吾鄉霽山林先生前朝遺老履和蹈貞晚年英氣詘折爲詩其立言命意欲厲風節蓋彷彿草堂翁忠愛之遺意也今宜竹章君和父獨喜其詩爲之箋註誠以其所作有關世教民彝非特尙其融液句度之清妍亦非自示其掇擷故實之贍詳而已昔李善輯注文選援据賅博而無其義子邕能補其缺章君所註辭義兼得而其學識之正尤有可觀者曩年君嘗與予翰札論河洛圖書往復數四予固已知其學有根柢別後久客湖海齒載浸尋彊與少年爭一資半級於端簪擇笏每用自愧念欲東歸與君行輩追逐雲泉襄羊文字之樂何可得也重念鄉山寥泬文物睽孤章君乃獨能慨慕前修之流風發揮遺稿之芳韻必使光

塵遠暢有永以傳等而上之復將有大著述以迪後雋余又當拭目云  
至元元年歲在乙亥十月一日鄭僖書於赤霞城

案宜竹章處士祖程乾隆平陽縣志文苑傳有傳霽山先生身

丁國難蜚遯以終感事憂時悉形篇什而痛懷故國未敢訟言

樵唱一編辭多隱託宜竹親及霽山之門見聞最悉其白石樵

唱注疏通證明多得霽山微旨至於詩中本事攷覈尤詳如避

寇海濱詩注載庚寅山寇發霽山避地仙口哭德和伯氏詩注

載霽山有季弟字德淵先逝王修竹監簿名樓曰與造物游詩

注載霽山遊越多居王氏莊子上並卷一並足攷見霽山平生踪

跡又宋末遺民與霽山往還唱和者如薛監簿名肩夔永嘉人

柴主簿名杰周計院名埏並卷一曹許山名稽孫並瑞安人卷二曹

近山名告春字問農平陽人卷三諸人皆府縣志所未詳而此注

並能詳其籍貫事跡雖陶山十咏原題和鄧牧心卷二注不知牧

心為鄧牧字又懷葉鄧三友詩集三注不知葉為葉林與鄧牧同

為洞霄宮道士以上二條鮑廷博刊本並據鄧牧洞霄圖志補注亦偶有疏漏然全書

元元本本精審居多霽山詩之有是編亦如山谷詩之有甚淵

注荆公詩之有李璧注矣

陳氏昌時鷄肋集清穎源集

佚

清穎一源集一陳昌時字少垣號物吾一諱文昌一諱天圉瑞州之長

子案瑞州名則翁見十八卷自少穎悟博學強記為文雄深高古由宏詞科任廉州

路教授所著有鷄肋集行世資靜蔡先生芳修府志時讀公集乃書其

後云章圓如丸珠句奇如鉤棘語麗如長春芙蓉韻古如黃鐘大呂非

尋常步驟所可彷彿也其詩之豪歟

陳氏文尹澤畔吟清穎源集一

佚

清穎一源集一陳文尹字端友號春塘一諱西尹簡軒由子案簡軒各兼善見十

入著有集曰澤畔吟

陳氏得時穎西清嘯集清穎源集一

佚

清穎一源集一陳得時字少成號老吾瑞州之仲子由郡庠貢士任常

州無錫縣教諭所著有穎西清嘯集

陳氏允文靖安居士吟稿清穎源集一

佚

陳與時南康寄陳允文詩注同里人所著有靖安居士吟稿允文集有

送陳少方赴南康詩二首案少方與時字有云江邊亦有同庚友獨把漁竿寄



隱淪

案靖安陳處士允文萬厯溫州府志嘉慶瑞安縣志隱逸傳並

有傳

林氏正漁隱集東甌續集四

佚

東甌續集四林正字浩淵號一齋有漁隱集藏於家

案一齋林處士正乾隆平陽縣志文苑傳有傳

裴氏庚井西秋嘯集乾隆平陽縣志九

佚

乾隆平陽縣志十六元裴庾注三體唐詩有井西秋嘯集

案東甌續集四載林正寄裴雲山詩雲山清潁一源集自敘作芸山南山高且

深竹松帶流水先生廬其中迴若崆峒子雪髮覆兩肩深悟造

化理手注三體詩名滿四海耳時以詩名家亦來質疑似我本浪得名長掛春風齒乃識先生心非非還是是林氏稱其以詩名家然佚篇今無存者三體詩注明以來亦久佚惟所選閣巷陳氏詩名清穎一源集者尚有傳本耳

汪氏鼎新桐陽小稿

二卷東嘉先哲錄二十

佚

東嘉先哲錄二十汪鼎新少孤自樹立明尚書周易尤長於詩文有桐

陽小稿二卷原注見平陽州志

案桐陽汪教授鼎新萬厯溫州府志文學傳雍正浙江通志乾隆

平陽縣志文苑傳並有傳桐陽學行文章爲溫儒宗見蘇平仲集十

四孔教授夫與林霽山以詩相唱和霽山集二有雜詠十首酬人汪氏墓誌

汪鎮卿

章祖程汪名鼎號桐陽平陽人案章注載桐陽名鼎疑有奪誤鎮卿東嘉先哲錄通志府縣志皆作進卿當据

霽山集

其第五章云云子有憂世心蒿然見眉睫崇文擬昔人

正之西風寄三疊作詩非雕鏤要與六義涉足覩其品學矣

李氏

孝光

五峰集

續文獻通攷一百八十作五峰文集千頃堂書目二十九補遼金元菽文志並作雁峰文集今從四庫全書總

目一百六十七元史藝文志四

二十卷

續文獻通考一百八十千頃堂書目二十九補遼金元菽文志元史藝文志四〇四庫全書總目一百六十七作六卷孝

慈堂書目作五卷今所見明錢杲編本不分卷

闕四庫全書本遜學齋存舊鈔本

予未登仕時嘗讀元詩體要至五峰李季和先生之作愛其風采豪邁

不染指於脂韋靡麗之場不掉鞅於鬼斧蛇神之域震奮如雷霆運動

如日月變幻如鬼神從容如長江大河一瀉千里奔放如洪濤巨揭浸

日掀天晴圓如柘彈桐丸迅飛霄漢心與之競而不暇焉雄哉先生之

文也第以僅十餘篇而止不得其全集爲恨嗚呼是心也非獨余爲然而天下士莫不皆然予嘗試春官會天下士於京師或論詩家風格未始不以五峰首稱而以未見全集爲歉比詮曹擢予知樂清拜命之日私竊自慶以爲樂清乃五峰先生所自出之地全集必有珍藏于士大夫之篋笥者則是行實與先生有厚遇焉到官初謁先聖先師因謁詣鄉賢祠見諸先正而先生牌位未立故補次於龜齡王先生之左案牘稍暇訪厥遺稿於士林或得其斷簡或得其殘編而其全集又未克卽觀嗚呼文章之顯晦氣運盛衰之所關今天下風氣醱醲先生之文其必乘時以顯未必終晦也居無何儒生周綸以其所藏於篋笥者獻於庭予驟得之不啻獲拱璧夜光喜不自寐者凡幾日綸亦知詩士也遂命之編其類次於是捐俸以繡諸梓將與天下共焉夫詩之近體莫盛於唐而唐之盛莫盛於天寶其間亦未免有大而肆夏小而流離之失



先生無是也矧先生碩德重望膺元聘起爲祕書閣以文章見高一世  
史稱先生非先秦西漢語不道則先生之文取重于當時見稱于後世  
非一日矣良金美玉自有定價豈區區一日用心爲先生增重耶雖然  
使先生之文而有傳耶于先生固無所增加使先生而無傳也先生亦  
無所增損赫赫之光與日月同垂於不朽者固是若也不曰先生之文  
傳不傳于吾邦風氣之美不美係耶晚生末學之幸不幸係耶集成僭  
書以爲天下想望先生之文者告時宏治甲子歲菊節鄉進士知樂清  
縣事鳳陽定懷遠慎齋錢杲書於忠愛堂

明錢杲刻  
本卷端序

四庫全書總目一百六十七五峯集六卷

編修汪如藻家藏本

元李孝光撰孝光

字季和樂清人隱居教授白野泰哈布哈

原注原作泰不華今改正

賞師事之至正

七年詔徵隱士以祕書監著作郎召明年陞文林郎祕書監丞所著詩  
文歲久散佚是編乃宏治甲子懷遠錢杲爲樂清令訪求遺稿得全集